



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis vigesimo-
nono Januarii anni M. DCC. XXXIII.

M. LUDOVICO-CLAUDIO BOURDELIN,
Regiæ Scientiarum Academiæ Socio, Scholarum Professore desi-
gnato, Doctore Medico, & in locum M. PETRI MARAIS à
Facultate iussueto, PRÆSIDE. *Autore.*

An, ut Insectis animalibus, sic & Faui sua Metamorphosis.

I.



MULTIPLEX in operibus natura, in operando simplex est. Quas uni animantium generi condidit nascendi leges, easdem reliquis omnibus videtur indixisse. Idem homini pecudique ortus, vivendi modus idem, æqua moriendi necessitas. Scilicet viventi cuilibet calcanda semel est via lethi. Nec huic subducuntur legi exigua illa animalcula, quæ, à multiplicibus incisuris, *inrota* græci, latini insecta nominavere. Ex iis quædam ita sunt brevis ævi, ut nasci, iisdem nihil aliud ferè sit, quam mori incipere. Diem vivit, nec amplius, musca quædam, à curto vitæ termino dicta græcis *Ημεροβίος*. Ex insectis quàmplurima, peracto, cui, non sine quâdam salacitatis imagine, allaborant generationis negotio, intereunt; nullo ferè à vitâ ad mortem, à libidine ad Libitinam intervallo. Quâ exilitate suâ vulgi in contemptum incurrunt, eâdem peritis homi-

nibus movent admirationem. Insecta si quidem animalia, ubi de vitâ agitur, aut de ejusdem commodis, vix homini cedunt. Illud probant Araneæ telariæ insidiosa retia; Saltatrici, ut vocant, Araneæ non tam expectatio, quam insul-tus in prædam; Formicæ in congerendis asservandisque alimentis providentia; Formicæ-Leonis in infundibulati recessus fundo prædam aut expectantis patien-tia, aut morantem eandem injecto fabulo detrudentis astutia; Erucarum & Bom-bycis in contexendis suis folliculis longi patiens laboris industria; Tinearum in consuendis sibi vestimentis solertia. Putares ita in minimis naturam sibi placuisse, ut, excepto homine, nusquam magis, quam in iis tota esse voluerit. Illa, si quâ arte vivant, mireris; quo nascantur, crescant, adolescant, maturescantque miraculo, stupebis. Ab ovo, aut si mavis in ovo nascuntur insecta omnia ani-malia. Ortus similitudine ferè eadem, crescendi ratione multum dissimilia. Sunt quæ qualia ex ovo prodeunt, talia ad interitum usquè futura sunt, nulli post suam natiuitatem, si senii depositionem excipias, mutationi deinceps ob-noxia. Alia ovo sub vermiculi formâ exeunt, lapsu temporis, per varios mutatio-nis gradus, varias figuras, maturitatemque demum adeptura. Ex his quædam sub Nymphæ-vermiculi involucre, non nulla sub Nymphæ-simplicis velo, hæc sub Nymphæ-chrysalidis duriore testâ, illa sub Nymphæ-vermifor-mis personâ maturescunt. 1^a. Generis exemplum, Pediculus, 2^a. Libella, 3^a. For-mica, 4^a. Eruca, 5^a. Musca, suppeditant. Ex iis animalculis quædam genita in aquis, aëra deinceps incolunt. Quædam alia terrâ nata in visceribus, plantis postea insident; Plurima, ex immobilibus, agilia; quædam è Piscibus, Aves; è Vermiculis, Volucres alia fiunt. Has mutationes Græci, minùs intellectas & per-spectas, dixère Metamorphoses. De iis philosophati veteres, mirum quot sese in-tricarunt ambagibus. Natiuitati insectorum putredinem assignavère, Fatique aut cæcæ cujusdam sortis concursum, Eorumdem mutationum causas tradituri, transformationem dum accusarunt, obscurum explicare conati sunt per obscu-rius. Autoritati patrum mancipati, quod illi dixerant, mordicus ueri contende-runt. Turpe rati, quæ juvenes didicerant, senes fateri perdenda. Humani ce-rebri somnia reulerunt, non expresserunt laborantis naturæ Mechanismum. Quæris undenam ille in veteri Philosophiâ navus? Deerat priscis Philosophis experimenta. Experientiam quidam olim stultorum magistrum lepidè dixerunt. Illani tu sapientium ducem rectius nominaveris. Stet tamen cuique sua laus. Habent veteres facti ferè dimidium. Illis debemus quòd ceperint. In morbo-rum diligenti observatione & curatione, est etiamnum, veteribus, eritque diù, quod ipsis postera ætas invidet. Feliciores in Physicis Neoterici, postquam ma-gistrorum in verba jurare dediderunt, multis sese, circa generationis abstru-sum opus, liberarunt præjudiciis. Omnibus animantibus eandem agnoverunt à summo rerum Opifice impositas ortus vitæque leges. Ab immani Elephantæ ad Acari exile corpusculum, mechanicè omnia fiunt. In utroque à solidis protruduntur fluida; juxtapositione quædam Græcis, *εὐχλυστοι*, sit partium accretio. Unde, quam insectis animalibus Metamorphosim tribuerunt veteres, illa nobis non tam est unius animalis in aliud Transmutatio, quam ejusdem animalculi mirum in modum involuti, & quasi laryati, insensilis & occulta evolutio atque explica-tio. Dum evolvitur animalculum, partes quasdam acquirit, sibi, virilitatem adpèr-to tantum, futuras utiles; alias amittit, quæ, ut infanti crescentique insecto in-servire destinatæ erant, sic eidem perfectò, generationique apto, aut noxiæ fiunt aut inutilis.

APAGE putredinem, fictum insectorum promptuarium. Facebant Fati voces ineptæ. Procul abeant fortuiti particularum materiei concursus. Nihil in hoc orbe fortuitum est. Nihil casu generatur. Fiunt omnia ex pravio semine. Non idcirco putridis carnibus Muscæ innascuntur, quod è fermentatis quibusdam putrescentibusque particulis illæ coalescant; sed quod in iis sordibus sua Muscæ semina, rectius dicas, ova deposuerint. Sordes illæ non Materiem sed Matricem animalculo suppeditant. Quælibet materia verminet, illa, vermium quibus scatet, compositioni nihil confert. Patribus escam fortè, proli planè nihil præbet, nisi nidum & incunabula. Constanti naturæ ordine genita insecta, constantibus etiam, sed cuilibet speciei peculiaribus, mutationibus obnoxia sunt. Earum præsidio perfectum attingunt statum. Quem quandiu affectat insectum animal, membranâ quâdam involvitur. Sic involutum animalculum Nympham vocant. Nominis Etymon queris? Sub eâ membranâ animalculum perficitur, nec è ruptâ eâdem exit pelliculâ, nisi generationi par, suisque quasi vestimentis nuptialibus ornatum. Jam verò non unius generis Nympha est. Si sub delicatâ & quasi pellucidâ explicatur inclusum animal membranâ, Nympham dicunt; si sub duriore, Chrysalidem nominant, Aureliam, Nympham auream. Quam quidem à Nymphâ simplice, non re, sed accidentibus meritò discriminaveris. Nymphis simplicibus mollities inest ductilior, tanta pelluciditas, ut delitescens intus animalculi structura extus videri possit. Chrysalidibus firmior, &, quâ præsertim parte aëri patent, cornea quasi durities, nulla pelluciditas, aureus, in quibusdam, color, unde vox Chrysalis. In eo aliunde utraque similis est, quod crescentis insecti delicatâ & veluti lacteæ adhuc compagini utraque involucrum præbeat, & adversus aëris injurias externaque offendicula prætendat utraque propugnaculum. Est ubi insectum vermiculi formâ ex ovo exclusum moroque donatum, liberioris jam patiens aurâ, victum hinc inde querit, sed vermicularis suæ figuræ tenax, quarundam tantum partium, alarum scilicet, patitur accessionem evolutionemque. Quarum aliquando venturarum signa dant protuberantes in vermiculi dorso longulæ quatuor appendices. Hæ sunt thecæ quibus clauduntur contractarum alarum compendia. Ex hac tabulâ Nympham-vermiculum intellige, ab Embryonis mutatione, parum, immò vix abludentem Metamorphosim. Nonnunquam sub vermis specie ovum deserit animal, & sub eâdem pelle tandiù latendo crescit, donec, ruptâ vermiformi larvâ, sub verâ pennati insecti figurâ avolet. Hanc mutationem, à verme, quo personatum maturuit animalculum, vermiformem-Nympham vocant. His si addideris Nympham-animal, primam in ordine & magis simplicem insectorum mutationem, omnes ferè retuleris, familiares iisdem, Phases. Non nihil tamen inter hanc & alias memineris intercedere discriminis. Nympha-Animal perfectum est insectum solo contentum ovi putamine. Nullam illud ulterius, exceptâ cuticulæ exterioris, Senium vocant, depositione, non semel iterandâ, patitur mutationem: cum aliis, primo ovi carcere liberis, adhuc vivendum sit in vinculis, &, naturali quâdam imposturâ, sub Nymphae larvâ tenebrisque adhuc latitandum. Recensitis modò mutationum classibus quædam nondum potuerunt inscribi insecta. Quibus tamen Magistra in Physicis rerum Observatio, suum aliquando locum assignatura est. Omnibus insectis statutum est mutari. Sed in suis mutationibus habent singula singulare quidpiam. Metamorphoseos necessitate paria, specie mutationis dissimilia. Hæc eunt ad maturitatem. Erras, si credis sub Erucæ pelle nihil aliud contineri, quàm Erucam. In eâ delineata jam sunt futuri Papilionis, perfecti sci-

licit suæ speciei animalculi, membra omnia. Physico si fidem denegas miraculo, rejectis ratiociniis oculos adhibe. Autopsiâ ibis tutissimus. Unius infecti Metamorphosim intueri, & ab unâ crede omnes. Ex ovo postquam erupit quæ brassicam depascitur Eruca, præterito certo ad pascendum crescendumque tempore, nec deposito semel senio, ubi instat Metamorphosis, alimenta respuit, de latibulo sollicitè sibi prospectura. Quo reperto, partem ibi corporis posticam annectit. Nec sine quâdam circumspectione, ab uno in aliud latus fasciam sibi superinjecit, spoliandi mox Eruca pelle corpusculi fulcrum retinaculumque. Stat ibi quæta & quasi immobilis per aliquot horas. Quibus elapsis, corpus turgere, cutis inflari, non sine lævore splendescere, attolli, tendi, turgescere demum sub Chrysalidis formâ Papilionis corpore, in tergo primum, mox in capite non uno loco crepare, rumpi, dissilire Eruca toga, exire Chrysalis. Sub illius involucri non jam crevit, qui sub Eruca larvâ satis creverat Papilio. Perspiratis per tunicâ Chrysalidis poros humoribus quibus animal disfluebat, membra reglutinari incipiunt quæ prius conglutinata erant, solidantur, indurefcunt, disponuntur ad motum. Ab iis moveri incipientibus fit in latera Chrysalidis impetus. Illa non in mollioris membranæ modum laceratur, sed durioris instar testæ, plurima dissilit in fragmenta. Patet demum aëri, ipsique permittitur, qui sub, Ovi, Eruca, Chrysalidisque triplici larvâ tandiu latuerat, Papilio. Quis per istas mutationes lentè & occultè crevisse, evolutumque fuisse hoc insectum negaverit? Sex decim pedibus inceserat Eruca; Papilioni sex supersunt tantum. Horrebat pilis Eruca corpus, quod in Papilione plumis non tegitur minus, quàm decoratur. Inutiles decem pedes cùm alis quatuor utilibus commutat Papilio. Amisissorum pedum jacturam, utiliore alarum remigio, naturâ providè & liberaliter compensante.

III.

QUOD est maturo infecto Vermiculus, illud est homini Fœtus. Pari caligine utriusque generatio involvitur. Utrique ovum est pro primo conceptaculo & domicilio. Illius involucri includuntur prima hominis rudimenta, delineataque futuri corporis fabrica. At in ovo, statim a conceptu, hominem ne quæsieris, alter Diogenes, quem in eo, quâlibet prælucente face, non reperiās. Tunc adhuc homo bulla est. Ab ovario ad uterum per tubam Falloppianam devehitur, seminali aurâ sæcundatum, Ovum. In quo, adeò limpidum est, homuncionem contineri nemo crediderit. Tandiu in utero fovetur ovum, donec vascula elongentur, quibus ovario prius hærebat. Quæ exilia supra fidem vasa, uteri patentibus insinuata poris, maternis vasīs dum occurrunt & coalescunt, Placentam inchoant & efformant. Tunc, juris jam non sui, à matre mutuatur nutrimentum, qui in ovo vix exsistit Fœtus. Elapsis tribus aut quatuor post conceptum diebus, si Kerckringio fides, à pisi, ad cerasi acidi magnitudinem augetur Ovum. In eo fœtum jam ille conspexit. Si tamen Fœtus nomine insigniendam judicaveris indigestam moleculam duabus constantem vesiculis, quarum major illa est quæ caput informe, minor quæ truncum exilem exprimit. In Fœtu viginti dies nato non caput solum, sed in capite etiam oculi, nasus, os, aures suis jam discernuntur tam discriminibus quàm intervallis: nondum tamen ullo artuum ossium-vè vestigio. Utrâque solum è Scapulâ, utroque ex Illo quædam prominent tubercula. In iis, quasi totidem in vaginis plicatæ continentur superior & inferior utraque extremitas, nutritionis beneficio in artus elongandâ, manuumque & pedum in formam protendendâ. Illius ætatis Fœtum, membranam totum dixeris: adeò mollis est & sequax. Sesquimestrem inter bimestremque ætatem ambigente in Fœtu, pollicemque unum suâ longitudine æquante, artus omnes eleganti evo-

lutos prolongatosque serie vidit Littrius. Abibat in brachia & crura corpus tenellulum. Dividebantur in quinque digitos æquâ inter se proportionem conspicuos manus & pedes. Sic natura occultis evolutionibus, è rudi particulâ elegans figurat corpusculum. In recenti adeo homuncione, ossa nondum imageris. Cartilagineum tantum est tunc temporis Fœtus *œliæti*. Labentibus mensibus in ossa cartilaginea indurantur. Apparent rara solidescunt & in ossis duritiem abeuntium puncta cartilaginum. Quæ deinceps, paulatim illabentibus, accrescentibus, sicciscentibusque succis, totæ ossæ fiunt. En Fœtus quemadmodum crescit. Vides, ut tacito temporis lapsu formetur firmeturque, liquidum prius, corpusculum. Vides, quâ succedentium sibi mutationum scalâ, è fluxili flexilis, è flexili cartilaginea, è cartilagineâ demum ossæ evadat Embryonis structura. Quæ tamen, edito in lucem infante, necdum totalin os induruit. Cranii ossa Fœtus, etiam nonimestris, nullis compaginata futuris, adhuc a se distant, cartilagine dixerim, an membranâ quâdam inter se conjuncta? Per *fontanellem* (ita membranaceæ sunt fœcipitis frontisque ossium extremitates) patet adhuc oculus sinus ille quem vocant *longitudinalem*. Auris meatus cartilagineus est, & brevior quàm in adulto. Primis mensibus nihil in aure ossæ est, nisi circulus cui annectitur tympani membrana. Quæ externis ne pateret injuriis, meatûs auditorii aditum, alterâ exteriori continuâque epidermidi membranâ sagax natura munivit occlusitque. Dentium, non nisi pluribus à nativitate mensibus eruptorum, germina, insculptis in utrâque maxillâ alveolis occultata, suam expectant duritiem. Pro ratione corporis, amplissimum est fœtui hepar. Amplissima item est glandula Thymus. Amplissima demum, quæ renum apicibus insident Glandulæ suprarenales. In adulto lævem habent superficiem renes. In fœtu vero sunt sulcis hinc & inde excavati, hinc & inde quibusdam asperi monticulis, ubique divisi in lobulos. In se contractus depressusque pulmo, torique corpori inutilis, nec aëre dilatatur, nec elaborando turget sanguine. Pulmonalem arteriam inter & Aortam medius jacet canalis arteriosus. Per hunc fluit, qui a pulmonibus arctioribus, torique dextri cordis purpureo latici excipiendo imparibus, derivatur in aortam sanguis. Ambæ, medio foramine, suum secum sanguinem communicant cordis auriculæ. Nec sine numine hac eveniunt. Non enim ut Homo, sic Fœtus vivit. Huic peculiaris necessariusque, nec non diversus sanguinis circuitus. A Placentâ, cujus ope materni uteri commercio perfruitur fœtus, non unius generis & indolis exeunt vascula in tres tubulos terminanda. Horum duo arteriæ sunt umbilicales: Tertius vena ejusdem nominis, utrâque amplior arteriâ. Per venam in spiræ modum intortam, superato fœtus umbilico ad ejusdem hepatis tendentem, & in venæ portæ sinum hiantem defertur à matre sanguis, acceptusque à placenta vasculis succus alibilis. Qui, ne in hepate regurgitet, sanguis per canalem venosum, in oppositâ parte sinûs venæ portæ excavatæ, venæ cavæ infunditur, inde dextro cordi transmittendus. Jam verò non totus ventriculorum dextrum subit, qui dextræ cordis auriculæ infunditur à venâ cavâ sanguis. Pars illius per commune utrique auriculæ foramen in sinistram auriculam, & inde in sinistram cor effunditur. Pars alia ventriculorum dextrum ingressa & per pulmonalem propulsa arteriam, non tota etiam subit pulmonem. Sed paucio sanguine ad renitentem pulmonem misso, quod reliquum est, infalutato eodem viscere, per canalem arteriosum aortæ redditur, per umbilicales arterias, modò ab hypogastricis, modò ab iliacis oriundas placenta reddendum. Sic in utero vivit Fœtus, ah! quantum à se extra uterum mutandus!

NONO graviditatis exacto mense, Fœtus, quasi eum sui tæderet carceris, effugium sibi quærit. Non alimenterum defectu coactus; non congestarum diu in amnio aquarum scititiâ sollicitatus acrimoniâ. Sed sive vesicam & intestina, urinæ excrementorumque pondus & acredo stimulent; sive crescenti in dies & horas curvato plicatoque Fœtui, angustiore jam uteri limite, situs incommodus, de superandis claustris obicibus eundem admoneat; sive retento per tot menses sanguinis effluxu periodico, vasa uteri jam turgidiora rumpantur; unde & Matri dolor & Fœtui molestia, eamque subsequens mutandæ sedis, non sine multiplici motu, matrisque incommodo, desiderium. Quidquid sit, ex uteri tenebricosâ caligine prodit infans in auras. Emergit ex amnii aquis, aëris liquido mergendus homuncio, anceps animal, novum Amphibium. Mutato elemento, vitæ mutat conditionem & genus. Elatis tunc primum costis, complanatoque tunc primum diaphragmate, uno eodemque impetu in liberum pulmonem irruunt sanguis aërque, unâ earumdem relictantium sese partium contractione, premitur uterque, è pulmone uterque expellitur. Quid plura? spirat infans, expiratque. Quàm utilis erat Embryonis nutrimento, incrementoque cordis antlia, tam necessarius fit infanti adultoque pulmonis motus reciprocus. Fato ineluctabili, vivit infans per pulmonem, cujus ministerio tandiu caruit utiliter Fœtus. Quæ isthæc est, & quàm stupenda mutatio! A matre non jam accipit, sed excipit, elicitque alimentum. Sugit infantulus, huic functioni prius impar, dum erat Fœtus. Sic in lucem vix editus infans, mutati incipit. Sic explicato evolutoque Fœtus in utero delitescens pulmone, novo ejusdem usu infans ditescit. Primam hanc mutationem quàm longa sequitur aliarum mutationum series! Novarum partium non inutili accessione, dicam, an explicatione, natus infans locupletatur; aliarum interim utilem facit jacturam. Quæ Fœtui sanguinem maternum lymphâ nutritiâ prægnantem devehebat vena umbilicalis, jam obliteratur, facessit in ligamentum. E vase, funis sit arteria utraque umbilicalis, infanti adultoque planè inutilis. A sinu venæ portæ ad venam cavam exporrectus canalis venosi tubus, deficiente sanguinis per eum transitu, obturatur, solidescit. Toto dextri cordis sanguine explicatos patentioresque pulmonis mæandros liberè percurrente, ocluditur arteriam inter pulmonalem aortamque, communicationis via, canalis arteriosus. Clauditur sensim foramen *ovale*, quàm Fœtui utile, tam, doctissimorum virorum disputationibus jurgiisque, celebre & famosum. Glandula Thymus, licet minis cognita ad nostra usque tempora utilitatis, è maximâ in Fœtu, in infante minor, in adulto minima sit, in sene ferè nulla. Nec multùm dispar in homine patiuntur decrementum, suspecti magis quam perspecti usûs, remes succenturiati. Quos in fœtu si conspexeris, renibus ut plurimum æquales, majores non nunquam; in homine, multò semper minores reperieris. Non solâ amplitudinis discrepantiâ, sed coloris etiam, primâ in ætate pallidi, in provectâ verò rubicundioris, mutatione conspicui. Constrictis ligatisque in umbilico vasibus sanguiferis, intercipitur à matre ad fœtum sanguinis commeat. Alieno non jam turgidum sanguine, & ab incumbente sibi annexo diaphragmate continuo diverberatum hepar, ad tempus videtur decrescere, communibus postea toti corpori nutritionis legibus ampliandum. Cranii ossa evidentibus suturarum artibus uniuntur commissuris. Quæ deinceps, ulteriore mutatione, ipsæ obliuantur. Roborantur ligamenta, firmantur articuli, totius ossa corporis indurantur, mutantur Epiphyes in Apophyses. Jamverò ex alveolis prorumpunt,

priùsque inermem, lacerant perforantque gingivam dentes, subtis crescentibus aliis durioribus, nec ita caducis, trudendi. Nec sua deest exteriori cuticulæ mutatio. Vix natus Infans, fit versipellis. Abeunte in squammas & furfures cuticulâ, vel in ipso vitæ limine senium quoddam deponit. Florente adolescentiâ è bulbis suis germinant pili non unius generis. Molli lanugine vestiuntur impubes nuper genæ, hirsutiorē mox duriorēque barbâ asperandæ. Pudenda demum axillæque obtegunt pili; iisque aliquando corpus horret, quod priùs glabrum erat, & læve. Quis postea, insectorum more, lentè crescere hominem dubitaverit? Quis eundem inutiles partes cum utilibus commutare, pari cum insectis forte, negaverit?

V.

PERPERAM illi de Naturâ sentiunt, qui à putredine aliquid posse generari autumant. Quasi è Discordiæ sinu Harmonia unquàm exsurgeret. Eito, fermentantis aut putrescentis corporis segregatæ & à se divulsæ particulae, novo consortio mixtum aliud componant. Illud quàm est de inanimatis evidens, tam est de animatis organicisque corporibus absurdum. At putrescentia omnia verminant. Quid inde? In illis foventur necessariò, quæ in illis casu deposita fuere ova. Frusti carni in duo divisi partem unam aëri expone, aliam vase vitreo benè obturato absconde. Illam videbis verminare, hanc dissolvi, abire in liquamen, ne ullius quidem vermīs indicio aut vestigio. Nec sanius de Naturæ fecunditate judicarunt, qui tantam Erucarum multitudinem, quæ totas aliquando regiones infestat, non aliunde, quàm à corruptione, crediderunt posse ita subito pullulare. Non noverant illi miram, prodigioque ferè parem Insectorum feracitatem. Inter Bombyces quingentis & amplius ovis continendis deponendisque sufficit una femina. Si de Papilione sub Erucæ pelle maturato sensim, paulatimque explicato dubitas; dubium tollet facile experimentum. Laborans in mutatione animalculum, adhuc tamen Erucam, liquori immerge, vini aceticque stillatitii partibus æqualibus constanti. Sic intronmissis per Erucæ togam in Papilionis corpus acerrimi liquoris spiculis, totum corpusculum indurabis. Detractâ post aliquot dies facili negotio cute, quæ vix priùs scalpello cessisset illas interioribus, clarâ resurgunt in luce formati perfectique Papilionis artus omnes. Oculis patebit præoccupata animalculi Metamorphosis. Hâc arte deprehendes in opere Naturam. Metamorphoseos mysteriis hes conscius, mutationisque occultæ testis oculatus. Sic intellectam Metamorphosim Insectis si concesseris vel invitus, cur eandem pari lege crescenti Fœtui denegaveris. Ovum ab ovario in uterum per tubam Fallopianam deferri evincit repertus non semel in eadem Fœtus. Quem in utero non spirare indicat pulmonis densitas, ejusdemque visceris, ubi aquæ immergitur, fundum petentis servantisque gravitas. Non fugit in utero Fœtus, qui nec spirat. Non inde Fœtum fuisse asseras, quòd in eo fere semper reperitur liquor in Amnio contento affinis quadam materies ab ore ad stomachum, graciliumque intestinorum orbes continua. Illa non à Fœtu sucta aut allecta fuit, sed patentibus viis, ubi minor erat resistentia, eò pervenit, uteri contractionibus, maternique diaphragmatis & musculorum abdominalium pressionebus propulsa. Forsan ibi à, frequentibus in Æsophago & gracilibus præsertim intestinis, glandularum incerniculis eructata. Aliunde verò quid eget Fœtus nutrimento per os assumendo, cui à matre per venam umbilicalem suppeditatur sanguis lymphâ dives, quam nutritionis proximam esse materiem diffiteretur nemo. Quidquòd non unus repertus est, septem, octo, & novem etiam mensum Fœtus, aut absque

capite, aut absque ullâ vel in naribus, vel in ore aperturâ, quâ potuisset liquor Amnii ad stomachum permeare. At illi tamen & robusti erant, & pingues. Inde hunc humorem lubrificandis potius intestinis, & à mutuo impediendis coactu, eò loci devescunt propulsumque rectè conjeceris. At forsan parum videtur quadrare Fœtûs, sanguinei animalis, cum exanguibus insectis comparatio. In sanguineo animali Metamorphoseos exemplum postulas? In promptu erit. En Ranam; cui certè sanguinem nullus negaverit, qui in illâ, microscopii ope, eundem in gyrum redeuntemque hunc liquorem viderit. Sua est Rana, ut cuilibet insecto; clara Metamorphosis. Ovum est primò, postea fit Gyrinus, demum, amisso caudæ remo, vel, si mavis, clavo & gubernaculo, acquisitis quatuor pèdibus, exuvias ponit, tandemque è globosâ & informi Gyrini nymphâ, rana exit, perfectum animal. E pisciculo quadrupes fit animalculum, nec jam solius habitator aquæ, sed aquarum tellurisque alternus incola. Vides sibi in variis animalium speciebus coherentem naturam, ubique eandem, ubique dissimilibus dissimilium animalium mutationibus, sui semper similem. Variorum diversæ ætatis, diversoque denatorum tempore Embryonum historiâ constat lenta, gradatimque facta Fœtûs evolutio. Diversas quæ homini contingunt mutationes testatur, Fœtum inter & adultum instituta comparatio. Cùm igitur, ut in insecto animali, sic & in Fœtu fiat infensilis & occulta partium evolutio atque explicatio; cumque pari naturæ beneficio in Insectis maturescentibus & Fœtu virilitatem affectante, inutilium partium quædam deperditio fiat, utiliumque aliarum, si non nova generatio, at certè plicatarum porrectio, contractarumque productio, liceat concludere.

Ergo, ut Insectis animalibus, sic & Fœtûs sua Metamorphosis.

DOMINI DOCTORES DISPUTATURI.

<i>M. Guillelmus - Josephus</i> de l'Epine.	<i>M. Nicolaus le Roy de S.</i> Aignan.	<i>M. Claudius - Antonius</i> Renard.
<i>M. Ludovicus - Hyeronimus</i> Cosnier.	<i>M. David Vasse, rei Her-</i> bariæ Professor.	<i>M. Franciscus Bailly.</i>
<i>M. Ludovicus - Joannes le</i> Thieullier, Regis Consi- liarius, in majori Consi- lio Medicus ordinarius.	<i>M. Andreas - Josephus</i> Seron.	<i>M. Andreas Delaleu, Chi-</i> rurgie Professor designa- tus.

Proponebat Parisiis HENRICUS-FRANCISCUS BOURDELIN,
Parisiensis, Baccalaureus Medicus, A. R. S. H. 1733.
à sextâ ad meridiem.